

գոր և Հալիխան. գարձեալ եղբայրը՝ Մհեր, աղջիկը Աղապիկ, և մի ուրիշ եղբայրը՝ Արեւ. փոքրեմ՝ Մանիրոս, Քնիւշ. Մարիամ. Յանրի, և Շուշան, (Թորոս Աղբար, Բ. էջ 430-31, ՄՁ. թ. 139): Բարսեղ վրդ. իր այս ուխտաւորութեան տոթիւ, Ս. Յակոբի վանքին յիշատակ կուսայ նաև իր սեփական մագաղաթ ձեռագիր Աւետարանը, որ ընդօրինակուած է Առաքել արեղայի ձեռքով, Ամիգի մէջ 1634ին (Թորոս Աղբար Բ. էջ 431):

ԲԱՐՍԵՂ ՎՐԴ. ԲԱՂԻՇԵՅԻ, Մբ.—1840ին:

ԲԱՐՍԵՂ ՎՐԴ. Մբ.—1751ին նւ. վանայ և Սոսյ. (Նաղ. էջ 216). սոյն Բարսեղ վրդ. ի նուիրակութեան մեծապէս կ'օժանդակէ Լիմի Մբ. Յովնանեկս վարդ. (անդ. էջ 222):

ԲԱՐՍԵՂ ՎՐԴ. (Հ.) ՆՈՒՐԻՃԱՆԵԱՆ.—Մբ. Վիեննայի Մխիթարեան վանքին, 1866ին Ս. Յակոբի վանքը կ'այցելէ ձեռագիրներու ուսումնասիրութեան համար (Սիօն, 1863 էջ 94):

ԲԱՐՍԵՂ ՎՐԴ. (Հ.) ՍԱՐԿԻՍԵԱՆ.—Մբ. Ս. Ղազարու Վենետիկ, Մ. 1852. Ձու. 1876. 1895ին Ս. Յակոբի վանքը այցելած է ձեռագրաց ուսումնասիրութեան համար. վախճանած է 1922ին Վենետիկի մէջ, աշխատակցած է Բազմալիկայ հանդիսին, հրատարակած է Ագարանգեղոս և իր բազմադարեան գաղտնիք. Յ. Մանդակունի. Երեք բազաւոր մոզերու գրոյցը հայկ. մատենագրութեան սեպ, Մխիթ. Մխարակոսիան 200ամեայ գործունեութիւնը եւ գործիչները, Քննադատութիւն անխաւեր գրոց Հ. Կ. ի: Ս. Ղազարու ձեռագրաց մատենագրանի ցուցակագրութիւնը, Երկու հատոր, ևայլն:

ԲԱՐՍԵՂ ՎՐԴ. Մբ.—1822ին կը պաշտօնավարէ Եգիպտոս:

ԲԱՐՍԵՂ ՎՐԴ. ՍԵՒԻԿ, Մբ.—Նւ. Աժտէրխանի և Շամախի (1759-67). կը կոչուի հեգնութեամբ չիք Բարսեղ, չիք Լուխրակ. Բարսեղ վրդ. 1765 յուլիս 24 թուական նամակով մը, Ս. Յակոբի Միաբանութեան ուղղուած, վանքին հակառակորդ կը ներկայացնէ Կարենցի Սարգիս վրդ. մը կոչելով զայն կարճամտակ և շանայեաց. կ'ամբաստանէ թէ ան ի նպաստ կտուց Անապատի իր նուիրակած զրամներն իւրացնելով՝ գնացած է Աժտէրխան: Ժամանակին կատարուած թզմակցութիւններէն կը հասկցուի թէ Բարսեղ Սեւիկ ութը տարուան նուիրակութեան զրամներն մըսխամ և իւրացուցած է: 1766ին, Սիմէոն կթղ.ի կողմէն, նւ. Բարսեղ վրդ. ի Թիֆլիզ գտնուած միջոցին, իր մասին զրուած է,